



Oscar Peer, Lavin 1982, fotografà da sia duonna Monica.

FOTO MAD

Prosa cuorta dal romancier

Avant 10 ons es mort l'autur Oscar Peer. Per commemorar il narratur ladin es cumparàda üna reediziun cul titel «Vi da che ch'eu pens minchatant». Quels texts muossan ch'el vaiva eir ün bun sentimaint pella furma cuorta.

SANDRO BUCHLI/FMR

Oscar Peer d'eira fin uossa impustüt cuntshaint sco autur da romans, sco per exaimpel «La rumur dal flüm» o «Il retuorn». Ch'el scrivaiva però eir raquints cuorts e perfin qualchünas pacas poesias, quai resorta da la nouva publicaziun da prosa cuorta «Vi da che ch'eu pens minchatant», procurada da l'editura *Mevina Puorger* e da *Jachen Andry*.

Its texts uossa republichats vaiva Oscar Peer per gronda part scrit per l'emischium «Impuls» dal Radio Rumantsch (RTR). E quels spordschan ün'invista condensada in vita e perspectiva da l'autur ladin.

«Vi da che ch'eu pens minchatant»

La schelta dals texts cun ina lunghezza da circa üna, duos o daplü paginas tratan ün vast spectrum tematic: Davent da l'inscunter fictiv cul filosof frances Albert Camus, ad observaziuns simplas dal minchadi (O sole mio), ad algordanzas da l'infanzia fin a ponderaziuns davart la mort (Temma da la mort).

E perquai es il titel da la publicaziun «Vi da tge che jau pens minchatant» tshernü bain. Minchatant segua ün'episoda intima-familiara da sia relaziun cun sia mamma (Glünas da nos tscharvè), minchatant ün mini-essay critic da la Svizra, minchatant ün text loc ed allegraivel (Questiunari), minchatant ün text tragic, cur cha seis frar moura (Ultima visita) e minchatant ün'episoda umoristica (Giavüschs).

Sfögliond il cudesch da bundant 127 paginas sfuondra il lectur e la lectura dimena bod da pagina a pagina in sentimaints differents e cuntrastants. La successiun dals 59 mini-raquints nu para a prüma vista dal tuot clera, ma süin dumonda da la FMR ha l'editura dat sclerimaint cha'ls raquints sajan plü o main ordinats tenor la successiun da la prüma publicaziun illa Chasa Paterna 121 dal 2002.

Ün bun sentimaint eir pella furma cuorta

«La rumur dal flüm», «Il retuorn» o «La chasa veglia» – quists trais romans ed amo otras pu-

Minchatant segua ün'episoda intima-familiara da sia relaziun cun sia mamma, minchatant ün mini-essay critic da la Svizra, minchatant ün text loc ed allegraivel, minchatant ün text tragic, cur cha seis frar moura e minchatant ün'episoda umoristica.

blicaziuns edidas dal Limmat Verlag Turich han portà l'arcagnuschentscha ad Oscar Peer, eir dadour la terra rumantscha.

L'autur oriund da Lavin vaiva però eir ün bun sentimaint pella furma cuorta, da gnir sül punct, cun be ün unic impissamaint o ün'observaziun chi maina lura via sün üna pointa, quai chi nu d'eira forsa uschè cuntshaint fin uossa. Its impuls sun originals, divertents, inspirants, pensivs e trists – damaja sumgliaint a seis romans. Eir las figüras litteraras, sco per exaimpel la figüra da la mamma, sumaglian a quellas da seis romans e dan üna invista i'l pensar da l'autur.

Tadlar la vusch da l'autur

La nouva publicaziun es charina ed intima – eir in quai chi riguarda il rom. Uschea vain per exaimpel muossà ün bel purtret dad öli sül frontispizi, pittürà da la figlia Leta Peer. Impustüt las fotografias nair-albas dad Oscar Peer e da sia famiglia in l'intern dal cudesch dan ün'impreschiun persunala da l'autur. La post-facziun da Mevina Puorger güda a metter a lö a l'autur e sia ouvra.

Cun agüd da codes QR vain datta la pussibilità da tadlar co cha l'autur ladin, ch'è es mort avant 10 ons, prelegia seis agens texts. Quista «extra-funcziun» auditiva plascha, cun quai chi's survain, cun tadlar la melodia da la vusch agreabla ed ün pa raca dad Oscar Peer, ün ulterieur access a sia ouvra.

Forsa sun ils raquints güst üna bun'ocasiun da cumanzar o recumanzar culla lectüra dad ouvras dad Oscar Peer. La lingua es simpla, bain chapibla ed eir sainza savair ün ladin perfet esa pussibel da leger ed incleger las prosa cuorta.



Il frontispizi dal nov cudesch «Vi da che ch'eu pens minchatant».

FOTO MAD

Oscar Peer

Oscar Peer (1928–2013) es creschü sü in Engiadina Bassa (a Carolina, Zernez e Lavin). Ils 23 d'avrigl 2023 vess el cumpli 95 onns. Maridà cun Monica Fopp, genituors da Leta (1964–2012) e Simon (1961–2004). Stüdi da romanistica a Turich e Paris cun üna dissertaziun davart il poet sursilvan Gian

Fontana. Fin a sia pensiun ha el instrui ou-ravant tuot a Cuaira, davo avair s-chaffi il diziunari ladin-tudais-ch per la Lia Rumantscha. Da gronda importanza litterara sun las novellas scrittas in rumantsch e tudais-ch «Il retuorn / Akkord», «La chasa veglia / Das alte Haus» e «La rumur dal flüm /

Das Raunen des Flusses». Da l'on 1977 ha Oscar Peer survgni il premi Schiller. Dal 1995 il premi da la CRR/SRG.R. Dal 2003 ha el retschevü il premi da cultura Grischun. Dal 2014 vess el pudü survgni il premi da litteratura grischun. Oscar Peer es però mort als 22 da december 2013.

PASS DAL FLÜELA



La via dal pass suot il Tschuggen vain refatta.

FOTO MAD

Il traget dal pass suot il Tschuggen vain corret

Ün prüm toc da la via dal Pass dal Flüela po gnir corret. La regenza grischun ha dat seis consentimaint per ün traget da duos kilometers suot il restaurant Tschuggen, da la vart da Tavo dal Pass dal Flüela. Quella decisiun ha la regenza comunicchà in gögia.

Il proget cuosta raduond 14 milliuns francs e prevezza d'üna vart d'optimar las stortas da quel traget e per la seguonda eir d'adattar minimalmaing il profil transversal da la via. Sco cha la regenza scriva in sia comunicaziun pertocca la correcziun da la via be il traget tanter ils restaurants Alpenrose e Tschuggen.

Il proget da correcziun da via pro'l Tschuggen vain per intant suspais pervi da differentas protestas. L'Uffizi da construcziun bassa surlavura quist traget parzial insembel cun las protestadras ed ils protestaders. (cdm/rtr/fmr)

MALÖGIA



Ün camiun specialiso ho stuvieu deliberer il bus blocco.

FOTO MAD

Ün autobus ho blocco la via Pass dal Malögia

Ün bus es resto pendieu quist marcudli al Pass dal Malögia ed ho blocco la via düraunt passa duos uras. Il bus chi d'eira da viedi la bunura a las 5.00 in direcziun Berggiaglia, saja resto ficho cun la part davous in üna stüerta. Que ho la Pulizia chantunela comuniccho.

Ün camiun specialiso hegia alura stuvieu deliberer il bus. Düraunt quistas lavuors es la via restada serreda per tuot il trafic in tuotats duos direcziuns. Zieva var duos uras es la via darcho gnida deda libra. La Pulizia chantunala ho denunzcho il manischnunz taliaun da 47 ans. (cdm/rtr/fmr)

FTAN

Ün clavazin da vaglia tuorna a l'institut

In ün'eivna tuornarà ün clavazin a cua da gronda valur a l'Institut otalpin Ftan (IOF). Sco cha la scoula scriva in üna comunicaziun a las medias pudarà ella tour in consegna ün clavazin da la marca «Steinway 1900», ün instrumaint ch'è es insè daspö blers ons in possess da l'institut. Al principi dal 20avel tshientiner vaiva la scoula cumprà il clavazin dal Grand Hotel Kurhaus Tarasp.

Causa cha l'instrumaint vaiva da gnir restaurà plü tard, s'ha-lura transportà quel a Bülach (ZH) in ün affar da musica. E là staiva il clavazin amo adüna. Sco cha l'IOF scriva in sia comunicaziun saja uossa però stat pussibel da chattar üna via per renovar l'instrumaint grazia al sponsoring tras il bap dad ün'anteriura scolara.

Pro'l «Steinway 1900» as tratta dal plü grond exemplar da quista marca da clavazins legendara chi vain produotta daspö l'on 1884. L'instrumaint es 2,74 m lung e 1,57 m larg – ed el paisa üna mezza tonna. In avegnir vess il «Steinway 1900» dad imbel-lir visual- e musicalmaing l'aula da la scoula. (cdm/fmr)